

761.51
C55
J2

芥子園畫傳初集

第三冊

芥子園畫傳卷之三日錄

諸家柳樹法 五式

宋人高垂柳

唐人點葉柳

趙吳興秋柳

髡柳

王維鈎葉柳

蕉桐花竹蒹葭法 十七式

郭忠恕樓欄

王維鈎勒梧桐

唐人細鈎芭蕉

元人寫意梧桐

寫意芭蕉

點花樹榦

點桃樹榦

點梅樹榦

點杏樹榦

平點个字雙鈎小竹三式新篁法

葭茨四式

石法 九式

大間小

小間大

石間波

北苑巨然法

雲林法

吳仲圭法

王叔明法

黃子久法

二米法

皴法

八式

黃子久皴

荆浩關仝皴

徐熙皴

亂柴皴

小斧劈皴

披麻間斧劈皴

荷葉皴

折帶皴

山法

十式

起手嶂蓋

賓主朝揖

主山環抱

巒頭環抱

画石間坡

深遠

平遠

平遠巒頭

峰形峻拔

巒勢圓轉

諸家巒頭法

十式

李成法

董源法

巨然法

江貫道法

米芾法

米友仁法

倪瓚高遠法

倪瓚平遠法

黃公望戴石插坡法

黃公望純石山法

吳鎮法

王蒙法

解索皴法

亂麻皴法

荷葉皴法

亂柴皴法

畫柳法

畫柳有四法。一鈎勒填綠。一但以汁綠漬出。新稍則嫩黃。脚葉則老綠。以分明晦。一再加深綠。於綠點上。輕點數小墨點。上罩石綠。留邊。一竟以墨絲而點。以濃綠染之。大抵唐人多鈎勒。宋人多點。葉元人多漬染。其分枝得勢。取迎風搖颺之致。一也。又春二月柳未垂條。秋九月柳已衰颯。未可相混。○樹中之柳。如人中之西子。毛嬙。仙中之宓妃。列子。其凌波御風之態。掩映于水邊林下。最不可少。故趙千里及趙松雪。多畫之。而松雪於水村圖。濃淡但以墨抹。幽意無窮。又一法也。

高垂柳 宋人多畫之



點葉柳 唐人多畫之



秋柳

趙吳興水村圖前謂
又一法者即此



髡柳

秋盡春初當畫髡柳於竹籬
茅宇間有如靚女額髮初齊
丰姿絕世畫春初者可間挑
花法當以淡墨大筆畫掩再
以墨分淺深畫柔條清綠若
在絹上則用石綠襯背冬景
及秋盡則僅以赭石間綠破
之而已



鈎葉柳

王維諸唐人及陳居中多畫
之余嫌其太板故次于後以
備一體



欒櫚樹唐人畫于園林山水中
後郭忠恕每爲之




鈎勒梧桐見王維輞川圖



細鉤蕉葉唐人每爲之



元人寫意梧桐或墨點
或罨以綠點



寫意芭蕉 若以淡墨留葉上一線



點桃樹幹法




點花樹幹法

甚有分別。桃不可同於梅杏。梅杏亦不可同於別樹。大都梅條多直而橫勁。杏則古人有僅畫樹梢點者。桃則宜繁枝耳。

點梅樹幹法



點杏樹幹法



畫小竹法

雲林于石根樹底。輒作幽篁柔篠。夕陽晚曉。於茅屋花箔間。直簌簌有聲望而知為幽人行徑。要具梳風掃月清逸之致。不可麗纖阻塞清氣。畫有三種。宜視樹石之體。而粗細配用之。




唐人畫樹。既雙鉤。則點綴之稚竹。亦多飛白。頗覺有致。近日仇十洲亦喜爲之。



畫葭茨法

宋時名手。如巨然李范諸家。皆有漁樂圖。此起于烟波鉤徒。張志和。蓋顏魯公贈志和詩。而志和自爲畫。此唐勝事。後人蒙之多。寓意于漁隱。而元季尤多。蓋四大家皆在江南葭茨間。習知漁趣。故也。凡他圖則必有主樹。至漁樂則烟波淼渺。樹不能爲之主。而主葭茨矣。故作此以殿草樹之後。






畫石大間小小間大法

樹有穿插石亦有穿插樹之穿插在枝柯石之穿插更在血脉大小相間有如置碁穿插是也近水則稱子千拳而抱母環山則老臂獨出而領孫是有血脉存焉

王思善曰畫石之法先從淡起可改可救漸用濃墨為上又云畫石之妙用膠黃浸入墨筆自然色潤不可多多則滯筆間用螺青入墨亦妙



大間小法



小間大法

畫石間坡法

子久雲林。畫石多間土坡。望而可施坐臥。水邊竹下。正宜留此以待幽人。非一味蠻山蠻石。使人畏心生也。



北苑巨然石法

此披麻皴也。北苑巨然及松雪大痴仲圭皆畫之。中有正開石面。如鼻隼然。號曰石隼。子久尤喜爲此。



雲林石法
雲林石做關全。然全用正
鋒倪多側筆乃更秀潤所
謂師法捨短也。



吳仲圭石法
仲圭披麻皴最爲純
熟且於熟處用生爲
也家所不及。



王叔門石法
此被麻帶解索皴也。
獨黃雀山樵画之。山
樵爲松雪甥。画乃追
踪松雪。而石有出藍
之譽。



黃子久石法
子久常熟人。有謂其画多
作虞山石。層層駘蕩者。如
王宰蜀產。多画蜀中山水。
玲瓏窳窳。晚嗟巧峭。各因
所見。其語良是。致子久寒
本石法。于荆關而自爲減
咽。筆如畫沙。益見高簡。




二米石法
此米點而微間之麻皴也。
元暉父子于高山茂林中。
時一置之層層點染。以烟
潤為主。雖不露石法稜角。
然視其皴廓下手處。是披
麻也。



黃子久皴法



荆浩關仝皴法




徐熙皴法



亂柴亂麻二石法
元人多用之




小斧劈法
本自劉松年李唐
唐寅學之深得其
與周東邨沈田石
皆用之



披麻間斧劈法
王維每用之




荷葉皴法
王右丞變體全以骨法
爲主色以青綠



折帶皴法
倪雲林用之



開嶂鈎鑱法
凡人百骸未具。鼻準先生。初下一筆。所謂正面。山之鼻準是也。偏體揣視。更重顙骨。結頂一筆。所謂嶂蓋。山之顙骨是也。此處起伏。為一山之主。而氣脉連絡。并為通幅之一樹。一石皆奉為主。又有君相存焉。故郭熙謂主山欲聳拔。欲壇巍。欲軒豁。欲渾厚。欲雄豪而精神。欲顧盼而嚴重。上有蓋。下有承。前有據。後有倚。其法盡之矣。




脉絡

正面



賓主朝揖法

摩詰曰。画山先審氣象。後辨清濁。定主賓之朝揖。列群峰之威儀。多則亂。少則慢。山有上有下。高者血脉在下。肩股開張。基脚壯厚。密嶺環繞。映帶不絕。此高山也。必如是。始謂之不孤不仆。下者血脉在上。其顛平落。頂額相攀。根基危大。堆阜臃腫。深插莫測。此淺山也。必如是。始謂之不薄不泄。因欲使其輪廓分明。脉絡井井。故不加皴。以便學者觀法。其皴法多端。已具見于各大家。在頭石法內。



又賓主朝揖法



主山自爲環抱法

前圖猶藉客峰以成氣象。茲則特舉主山自爲環抱一法。以其昂首舒臂。衆象包羅無暇外景。畫之更爲深鬱。所謂直賦本事。無假襯貼者是。與前作較。前則大君臨明堂。群侯朝拱。此則恭默思道。深宮獨處之時焉。王右丞嘗用此画主山。



又主山自爲環抱法



高遠法

山論三遠法
山有三遠自下而仰其巔曰高遠自前而窺其後曰深遠自近而望及遠曰平遠高遠之勢突兀深遠之意重疊平遠之致冲融此處皆為通幅大結若深而不遠則淺平而不遠則近高而不遠則下凡山水中患此猶之



深遠法


對淺人近習興偉
皂隸凡下之骨山中人惟有棄戶拋
拳掩鼻而急走矣然遠欲其高當以
泉高之雁蕩千尋匡廬三疊非高遠
而何遠欲其深當以雲深之玉女青
迷明星翠鎖非深遠而何遠欲其平
當以烟平之岡明華子谷冷愚公非
平遠而何



平遠法



又平遠巒頭法



形勢峻拔者謂之峰



形勢圓轉者謂之巒



李成
畫師關仝。烟雲變幻。水石幽閒。險
易各盡其妙。議者謂得山之體貌。
為古今第一。



諸家畫頭分圖

主山之脉絡既知輪廓素得則諸家皴法宜於誰先曰董北苑爲集大成其皴法蒼老當從此鍊筆皴既老諸體無難且學畫先恐學壞手惟此皴法不壞手豈余左其祖耶

董源

北苑峰峦清深意趣高古論者謂其水墨似王維着色如思訓多用披麻皴文甚少用色濃墨古宋四大家如子久雲林多師則之子久晚年雖變其法自成一家却終不能出其藩籬



巨然

得北苑正傳筆墨秀潤善爲烟巒少年多鬱頭中年則峻拔晚歲則平淺趣高又其峰巒頂竇之外及林麓間輒作卵石不可不知




訂貫道
師巨然其皴法稍變
俗呼爲泥裡拔釘以
爲皴作長點如錐亦
有一種蒼輿處。



米芾

襄陽用王洽之潑墨法以破墨積墨
焦墨故融厚有味。人謂米氏善于用
墨而余獨謂其善于用筆。米筆施之
書中時有奴張見于圖內。惟覺圓厚
圓猶可熟習而咸厚則直從天分中
出。天分薄者學此猶商君之欲冒于
叔度顏回終未可也。大芾雖學王洽
寔發源于北苑。近人學米太模糊與
太明露乃交失之。米明露處如微雲
河漢明星燦然今人則成鉄綿穿豆
豉矣。米模糊處如神龍矯矯隱見不
測。今人則糞草堆塿燕穢不治矣。然
則何以學米。曰用筆如錐用墨如飛。
又曰惜墨如金弄筆如丸。筆墨之跡
交鑲乃是直米。



米友仁

二米豈大理石屏風哉。何今人之不善學米也。友仁蓋變其父之家法。而於烟雲奇幻。縹緲縹緲。若有樓閣層層藏形其內。一洗宋人窠臼。猶眉山之于老泉。不得不變。然却有不變者在。



倪高遠山

倪瓚

倪黃吳王號四大家。子久叔明皆從北苑起。祖画多側筆。而雲林尤甚。雲林之皴水盡潭空。簡而益簡。在他家用筆煩渾。猶可藏得一二。敗筆雲林則於無筆處尚有面在。敗筆總不能藏。且其石廓多作方解。體勢依然關全也。但全用正鋒。倪運以側縱。所謂側縱。又非將筆一味橫卧紙上。又非只用賴尖按之無力。乃用筆活甚妙。旁見側出。無非鋒鏖。用筆提甚故毫尖雖末煞有氣力。此法最難。非從此



苑諸家入手。到神化時。將諸家皴法。千陶百鍊。未可到雲林無筆處。有畫也。今人凡遇淺近丘壑。輒曰雲林。是雲林爲人所畧。而余獨鄭重以詳言之。分其體勢。一爲高遠。一爲平遠。以見高遠中。尚是關全平遠中。未離北苑也。

倪平遠山



黃戴石插坡法



黃公望

子久山似董源。能變其法。自成大家。頃多巖石。却有一種風度。凡作畫。俱要有凹凸。山之外輪。極力奇峭。筆于直中有屈。一筆數頓。中則直。皴畫從有勢。此子久家法也。今亦舉其密頭二則。一爲戴石插坡。土石各半。一爲純石山。當審其地而用之也。

黃純石山法



吳鎮
仲圭山範巨然。率畧中
極其高妙。山多負石。點
則橫點。





王蒙

叔明輒用古篆隸法雜入皴中。如金鐵鑠石。鶴嘴翻沙。雖師趙吳興。寔自出鑪冶矣。而不解勁而不板。圓而不戾。毛圓左而不露圭角。其學唐宋諸家無不一遍。肖元季推為第一。凡學一人不可死在。一人範圍。如叔明者。其于諸家直毫髮無遺憾矣。

解索皴

此解索皴也。惟王叔明画之神采絕倫。寢明于此皴。却雜入披麻及礬頭下。此者習之未解此法。便如刻折矣。舉之以備一體。



亂麻皴
小姑抖亂麻團。一時張皇失措。無處下手。尋出頭緒。亦得謂爲皴法乎。曰否否。若網在綱。有條而不紊。學古人皴。全要湊得起。抖得碎。抖得碎。又於碎亂中。見有整嚴也。



荷葉皴

以其筋筋相屈。如荷葉狀。卽六書中所謂像形是也。北苑每用之。近日藍田叔亦喜作此。



亂柴皴

前此一書名於某
人下系某皴此則直
書某皴不系某人且
于書名方位中儼然
如一人者亦余書法
之變以亂柴亂麻在
皴法中爲妄調不得
不以變例系之且諸
家皆偶一爲之難專
屬之一人也



